

Regio.
Unde dicta.

Situs.

Celi qualitas.
Soli fertilitas.

Venceslaus de
Rane

Bohemia versus Occidentem Moravia, vulgo *Marnhern*, contigua est. Nomen habet a fluvio *Mo-
brava*, qui eam regionem perfluit. Veteres Marcomanniam dixere, quia fines Germaniæ, qua Danu-
bio in Pannoniam pergitur, terminabat. Quippe Germanis *Marck*, Limes dicitur, atque inde qui
eam coluere Marcomanni i. Limitum finiumque adcolæ dicti sunt: ut sentit Dubravius. De his au-
tem Arrianus: Earum gentium, inquit, postremi sunt *Quadi* ac *Marcomanni*, deinde *Iazyges* Sarmatarum
gens, post *Geta*; deinde *Sarmatarum* magna pars. Quod autem Moravia antiqua *Marcomannorum* sedes fu-
erit, vel hinc liquido constat, quod juxta Hanam Fluvium sæpius ab Agricolis inter arandum inventa fue-
runt Numismata veterum Rom. Imperatorum, inter ceteros M. Antonini, quem plurimæ testantur historiæ
gentem hanc debellasse. Moneta autem erat, ex hoste spoliū, cum hac inscriptione: DE MARCO-
MANNIS. Sunt etiam qui ex vocabuli etymo coniciant, deinceps *Marcomannos* eam Germaniæ Provin-
ciam occupasse, quæ vulgo *Die Marck* appellatur, seu *Marchia Brandenburgensis* ultra Albim, versus Ocea-
num, cultores enim ejus *Die Marcker* i. marcomanni. quasi *Marckmenner* dicuntur. Non desunt qui
ab Equis nomen adeptos *Marcomannos* tradant, sicut *Marschalcum* Equitum Præfectum *Marstallerum*. E-
quorum stabuli magistrum appellamus: siquidem *Marrha* & *Merrhen* Lingua Germanica Equum & E-
quam significat, unde *Merrhenlandi* interpretantur Equarum Regionem. Probabilior tamen prior est ratio.
Moraviam ut nunc se habet, tribus è partibus juga montium, aut Silvæ, Saltusque, aut Fluvij limitant, ab
Oriente ab Hungaris, ab Occidente a Bohemis, a Septentrione a Silesijs. Nam a Meridie Austriam versus
plana est, & alicubi *Thaysa* Flumine, alibi rivo quodam ignobili ab ea dirimitur. Aer Regionis mollior, at-
que ob id corruptioni magis obnoxius dicitur. Regio est ut populosa, ita Frumenti, Vini, rerumque omni-
um ad hominum necessitatem facientium feracissima. Croci insuper maximam copiâ suppeditat. Regio-
nis positio quatenus interius patet, eampestres, campi que sunt molli & pingui solo, ideoque faciendæ semen-
ti commodissimi, sicut colles Vinetis sustollendis, propter terram Vineis magis quam in Bohemia amicam,
itaque & bonitate & ubertate Vini antecellit. Culta vero tota, cultoribusque adeo referta est, ut nullum gre-
gibus armentorum, quæ nisi in solitudinibus pasci nequeunt, locum reliquerit. *Sudeta* montes juxta Iglam
Vrbem Fodinis etiam fœti habentur. Atque hoc iam mirabitur aliquis, ut est profecto admiratione dignum,
inveniri in Moravia Thus & Myrrham, non ex arbore desudante, ut alibi, lectam, sed è solo terræ erutam, u-
no tantum in loco, cui *Gradisca* nomen, in quo ad hunc diem Thus non solum quod masculinum vocant, a
similitudine testium, sed quod alia præterea virorum mulierumque membra ostentat, effoditur. Nuper au-
tem *Venceslaus* veterum Procerum Familia, eorum qui a Quercu cognominantur, clarus, dum in agro suo Ste-
renbergensi fundamēta aggeri piscinario molitur, corpus hominis integrū invenit, quod nihil nisi Myrrha erat.

Regni